

Delegacion Gabinete di Aruba na documentario I can't be moe



UN delegacion di Gabinete di Minister Plenipotenciario a asisti na e estreno na Hulanda di e documentario I can't be moe na e festival Film by the Sea na Vlissingen. I can't be moe ta un documentario riba e bida y trabao di Alice van Romondt. E delegacion encabesa pa directora di Gabinete di Aruba Joselin Croes LL.M/M.Sc a consisti alabes di Nuris Dabian, Jennifer Sneek, Sharine Henriquez-Kelly, Helene Kelly, Sheila Giel-Dubero y Sidney Kock.

Na e presentacion di e documentario aki tambe tabata presente Rebecca Roos, cu a traha e documentario y Jonathan Vieira, productor di e documentario. Na comienso di e presentacion Rebecca Roos a duna un splicacion riba e motibo di e documentario aki, cual idea a bin na 2018, e aña cu Alice van Romondt a ricibi for di man di Princesa Beatrix un Zilveren Anjer di Het Cultuurfonds pa tur su trabao y dedicacion na arte, cultura y literatura na Aruba. Tambe señora Roos a bisa cu e trabaonan cu Alice van Romondt ta hopi mas cu e publico ta mira den e documentario.

I can't be moe enberdad ta duna un ilustracion di un persona cu un pasion grandi pa e mundo di arte, cultura y literatura na Aruba.

E presentacion di e documentario aki na Film by the Sea ta forma parti di e partnership cu e festival na Vlissingen tin cu e Festival di Film Internacion di Curaçao.

